

አስመራ፡ ውዛረት እዕላም ዲብ ኦብሳር ፎቶግራፍ

ውዛረት እዕላም ዲብ ኦብሳር ፎቶግራፍ ወጪ ምህንት ብጽሕት ለህሌት ደረጃት ቴክኖሎጂ፣ ለረከዘ እብ ፍዕል ወዘዘ ለትተለ ተኔሂል ዲብ አስመራ ሀብት።

እትሊ ዲብ ክልኤ ደረጃት እግል ገዳይም ወመኣንብተት ለተሀየብ ተኔሂል፡ ምንለትፈናተ አቅሳም ውዛረት እዕላም ለመጽአው 51 ሐዳይስ ወተጃርብ ለገም ወ2 ምን እንፋር ውዛረት ሐርስ ሻረከው እቱ።

እሊ መደት ክልኤ ሳምን ለአተላለ ሳም አግቡይ ተሰዊር ለረከዘ ተኔሂል፡ ታሪክ ወአግቡይ ምጽአት ወወቦት ፎቶግራፍ፡ መትጎፋዕ ሌንሱ፡ መቅራሕ በርሀት

ወሕብር፡ ነዘምት ሰወር፡ ጅንሰ መለፍ ዲብ ካሚረት፡ አግቡይ አፍገርት ሰወር ዲጂታል፡ ወቴክኖሎጂ ካሚረት ለታይን ዐለ።

ዮም 6 ፌብሩዌ ዲብ ቃዕት “ሃገር ሚድያ” ዲብ ገብአት ዓደት መድሐራት፡ ዲብ ውዛረት እዕላም ሙዲር ፈርዕ ጠወርት መቅደረት አዳም አሰይድ ዐብዱላሂ ዳምር፡ ምን ዮም 23 ጃንዋሪ አሰክ 4 ፌብሩዌ፡ ለተሀየብ ተኔሂል፡ አተላላይ ናይለ ውዛረት ምን ወክድ እት ወክድ መቅደረት አዳም እንዴ ጠወረት፡ በራምጅ ሸቅል እግል ተአሰኔ ትወደዩ ለህሌት ጅሀድ ክምቱ ሸርሐ።

ወከለ ትደሐረው፡ እብ ጀሀቱ ውዛረት እዕላም፡ - በቃዕት ምህንት



ቅድረት አንፋር እንዴ አደቀበት ዘያድ ከም ለአደም እግል ልግብአ ትወደዩ ለህሌት ጸገም እንዴ ሐመደ፡ ለከሰሰው አምር

ተሰዊር ሳደፍ ለዐለ መሻክል እግል ለአርትዮ እብ ሕሰር እግል ልሸቀው ለሰዴ ክምቱ ሐበረ። ለተኔሂል እብ መዓወንት

ሙሰውሪን ገዳይም ውዛረት እዕላም ወምን አሚርከ ለመጽአ በዐል መቅደረት ሰወር አሰይድ ያረድ ጸጋይ ተሀየቡ።

ሰውድዮ፡ መዳፈዕት ወዐማር ወጠን ለከሰሰ እጅትመዕ ገብእ



ኤረትርዩን ሰነን ደማም ወቡብር- መንጠቀት ምፍጋር ጽሓይ ሰውድዮ፡ በራምጅ መዳፍዕት ወጠን እግል ልትደቀብ ምናም ለልጠብ እግል ሊደው ዱልያም ክምቶም አከደው። ሀቶም እሊ ለሸርሐው፡ መሰሉለት ተንሬዘየት ሰፋረት ኤረትርዩ አሰይደ ወይኒ ገረዘግሄር ዲብ ዮም 3 ፌብሩዌ ዲብ ወዳቱ እግሎም ሰሚናር ተ። እት ሰሚናር፡ አሰይደ ወይኒ፡ ሸዐብ ኤረትርዩ፡ ፈድል ስሙዱ፡

በቃዕት ሚርሐቱ ወፈራሰት ዳሹ እትሊ መርሐለት ክም በጽሐ አፍሀመት። እምበል እሊ፡ ዲብ ሐልፈዩ ሰናታት ለትሰርገለ በራምጅ ዐማር እብ መጅብ ለዐለ ተሐድያት ክቡድ ለትከሰሰ ሐብሬ ሀብት። ምሽእርከት እብ ጀሀቶም፡ መትጎዛም እንዴ አደቀበው፡ መሻረኩቶም ዲብ ክሉ በራምጅ ወጠን እግል ለግቡ መዳላዮም አከደው።

ቅብለት በሐር ቀየሕ፡ ሕዘዕ ለከሰሰ እጅትመዕ ገብእ

እት አቅሊም ቅብለት በሐር ቀየሕ፡ ዲብ ሕዘዕት ወጠንገት ለገብእ ከራብ ዕጩይ እግል ልትከራዕ፡ ዲብ መጅተማዕ ለገብእ አትፋዘዎት እብ ትወቀለት እግል ለአተላላ፡ ዲብ ዮም 1 ፌብሩዌ ዲብ ገብእ እጅትማዕ ሊክ ትቀደመት።

እተ መሰሉሊን መክተብ መራቀብት ዕጩይ ዲብ ምዴርያት ለሐድረው እጅትማዕ፡ ወከለ በዐል ሰልጠት ዕጩይ ወሐዋን ከደን አቅሊም ካፒተን ጽሃይ ተክሌ፡ ርዘቅ ዕጩይ ወሐዋናት ከደን እግል ልትረሸድ ለገብእ ወራታት እምበል መሻረከት መጅተማዕ እግል ልትወወት ሰበት አቀድር፡ መታብዕት ሙደራእ ምዴርያት ወደዋይሕ እግል ተዘደ ትፋኑ።

እተ ሐልፈት ሰነት፡ እምበል

ገበይ ቃትን 800 ኩንታል ፈሐም ወ450 ኩንታል ዕጩይ ለጸዕዩ 265 መኪነት ከም ትጽብጠዩ፡ ለመካይን እብ ዓመት 1.5 ሚልዮን ነቅፊ ቅራመት ከም ደፍዐዩ ሐበረ።

በራምጅ ገማል እብ ከሰሱ፡ ዲብ መራቀብ ሸትል ግንዳዕ ወነቅፈ ለትዳለ ሐድ 90 አልፍ ሸትል ከም ትሸተሉ፡ ወእግል ዘያድ ደማንት፡ ዓቅቢት አሰክ ደረጃት ንቃዋ እግል ትትከሬ በራምጅ ክም ሀለ ሸርሐ።

“ዘያድት ለህሌት ከራብ ኪደት ሕዛዕ እብ ንዋይ ሐን መራቀብት እት ትኣቱ፡ እብ በዐል ሰልጠት ዕጩይ ወሐዋናት ከደን ለትዳለ ቃትን እት ፍዕል እግል ልውዐል” ለቤለ መመቅረሓይ ሸቅል በዐል ሰልጠት ዕጩይ ወሐዋን ከደን ኮሎኔል ክንሬ ሃብቶም፡ በዲል ጣቀት እግል ልትዳሉ፡ ዲብ

ረሸደትለ ሕዛዕ እግል ልትደቀብ አትፋቀደ።

ሙዲር ምዴርየት ግንዳዕ አሰይድ ዐ-መር ያሕዩ እብ ጀሀቱ፡ ሕፍዘት ሕዛዕ ዲብ ብዘሐ መክሉቅ ለቡቱ ዶር እንዴ ዘክረ፡ እዳረት ምዴርየት አውለውየት እንዴ ሀብት ክም ትከደም እቱ አከደ።

እት ደንገበ ምሻርከት፡ ነድ ሕዛዕ ወመትሸርሻር ትርበት ምሰል ተዐዲን ደሀብ ዕላቀት ሰበት በ፡ መታብዕት እግል ትግባእ እቱ፡ ዲብ መራቀብት ከራብ ዕጩይ መጅተማዕ መሻረከቱ እግል ተዘደ ወሰብ ንዋይ ዲብ ሕዛዕ እግል ኢልእተው ለልብል ረአይ ቀደመው።

እት አቅሊም ቅብለት በሐር ቀየሕ፡ ምን ሀለ 700 አልፍ ሕዛዕ 6 አልፍ ሕዛዕ እት ምዴርየት ግንዳዕ ሀለ።

ከበር እሸትሸሃድ

ነሬር እዳረት አቅሊም ምግብ - ገዲም ምናድል አረፋይኔ ክንሬ ጎይትአም፡ እት ዮም 2 ፌብሩዌ ዲብ 88 ሰነት ዕምሩ እብ ሕማም አሰተሸሀደ።



እት ሰነት 1970 አሰክ ሰነት 1974 ዲብ ሚላኖ - ኢጣልየ ነሬር መዝመት ጀማሂር ወቅዋት ሸዐብ እንዴ ገብእ ከድም ሐቅለ ጸንሐ፡ እት ሰነት 1975 እት ንዳል ለትሐበረ ምናድል አረፋይኔ፡ ዲብ እዳረት ሸዐብ አሰክ እብ ደረጃት መሰሉል ሐሽም፡ ሐቅ ሕርየት ሀይ ዲብ እዳረት አቅሊም ምግብ ዲብለትፈናተ ውሕዳት እብ ደረጃት መሰሉልየት፡ እግል ሸዕቡ ወወጠት እብ መትሰባል ለከድም ምሕርባይ ተ።

ሸሃድ ገዲም ምናድል አረፋይኔ ክንሬ፡ በዐል ፈራዕ ወአብ 5 ውላድ ተ። ዓደት ቀብሩ ሀይ፡ ዮም 3 ፌብሩዌ ሰር ምዕል ዲብ አካን መቅበረት ምሕርበት አስመረረ ተመት። እዳረት አቅሊም ምግብ፡ እብ እሸትሸሀድ ገዲም ነሬር ምናድል አረፋይኔ ክንሬ ለትሰምዐዩ ሐዘን እት ሸሐሕ፡ እግል ዐይለቱ፡ መልሀያም ንዳሉ ወመሻቂቱ ኤማን ወሰብር ለሀበኩም ትብል።

ሐዘ ደንግ ሚቱ ወኔት ዐድነ እግልሚ ሕግም ዌልኮም ትበሀለኝ

ሐዘ ደንግ (dengue fever)


ዌልኮም እብ እንግሊዝ “አሰናይ ደሐን መጸአኩም” በሀላት ቱ። ከአላ ሕግም እሊ ሁቱ እብ ብዝሐ ለልትረኤ እቱ አርድ ዲቡ ለኩባሮ ሰካን ብዙሕ ኢሊሐሞ እቡ መ ኢልትደቀብ እቶም። ሰበቡ ሀዬ ቅወት ዳፊያት ገርቦም ድድ እሊ ሕግም እሊ ውቅል ሰበት ትጸኔሕ ቱ። ቅወት ዳፊያት ገርቡ ድድ እሊ ሕግም እሊ ድሀር ላተ ወእብ ፍንቲት ሀዬ እተ ሁቱ እብ ብዝሐ ለልትረኤ እቱ አርድ ጋሽ ላቶም አንፋር ዶል መጸአ እሎም ረክብ። ሁቶም ምነ ምዕል ለእግሮም እተ ሁቱ ለልትረኤ እቱ አርድ ከርዋተ። ምን ራብዕ አሰክ ሳብዕ ዮም እተ ለሀለ ወቅት ለሐም እቡ ወእብሊቱ ሀዬ ለሕግም፤ ሕግም አሰናይ ደሐን መጸአኩም እንዴ ትበሀለ ለልትሕመር። ለናይ አማን ሰሚቱ ላኪን “ሐዘ ደንግ/ደንግ ፊሸር” ትትበሀል።

እብ ዴንግ ቫይረስ መጽእ ወምን ነፊር ሕመም እት ነፊር ሕያይ ሀዬ፤ እብሊ ቫይረስ እሊ ለጻውረት ሐናኒተት ለዐዲ።

አሽይር፡-

ዌልኮም እግል ጋሽ አው ሀዬ እተ በለድ ሐዳሳም ላቶም አንፋር ለትረክብ ገብእ እት ሀሌት። ለሕግም ለረክቦም አንፋር ምን ራብዕ አሰክ ሳብዕ ዮምም እተ ለሀለ ወቅት አሽይር ናይሊ ሕግም ልትረኤ እቶም። ለአሽይር ሀዬ፡-

- መጸእት ረከሰ ድቅብት
- ምሳል ሐረክት ገርብ
- ለልትኬለም መጸእት ዓጻት
- መቀራጥዋ እገር
- መጸእት ረከሰ ድቅብት
- ምሳል ሐረክት ገርብ
- ለልትኬለም መጸእት ዓጻት
- መቀራጥዋ እገር



እት ድዋርን ማይ እግል ልዕቀር ለቀድር ሕፊር ዶል ሀላ። ማይ ወጠላላት ለጸብጥ ገማታት ወትናክ ዶል ለሀሌ። ማይ ለእንክዝን እቱ በራሚል ወጣስት ብዙሕ ዶል ገብእ ወእብ ዋጅብ ዶል ኢልትዳግኦ። እግል ሐናኒት መሰከብ ስኒ ሰበት ገብእ። ዲቡ እንዴ ትፋሬት። እግል እት ድዋርን ለሀለ አዳም ናሙሰየት ልትነፋዕ ዶል ኢገብእ ትነክሽ ወእብ ለትነክሽ ነፊር ሀዬ ለሐምም። ሰበት እሊ ምን ሕግም ዌልኮም እግል ንትነጂ ሐናኒት እግል ትትፋሬ እቱ ለትቀድር አካናት እግል ነአንድፍ ወጅብ።

ሰራይ መ ትገቱን
ለገብእ ነፊር ዶል ለሐምም እሰልፍ ሕግም ሚ ክምቱ እግል ለአምር፡ ዕያደት እንዴ ጌሰ ሕግም እግል ልፈርግ ወጅብ። እብ እዴ ናሱ ሕግም እሊ ገብእ እንዴ ቤላ እብ ሐኪም እተ ለኢተአከደ ሕግም። ለአወጅቡ ደወ እግል ልንሳእ አለቡ።

ሐዘ ደንግ እብ ቫይረስ ሰበት መጽእ ምን ቫይረስ ለልሓይ ደወ

አለቡ። እብ ናሱ ወክዱ እንዴ ነሰአ ምን ሳምን አሰክ ክልኤ ሳምን እተ ሀለ ወክድ እብ ናሱ ለሐድግ። ምናተ ምን መጸእት ረከሰ ወመፋሰል ለልሀውን ክምሰልሁመ ሐዘ ለለበርድ ደወ ክም ፓራሲቲፎል እግል ልትነሰእ ቀድር። ምናተ አሰፕሪን ወኢቡፕሪፊን ምን ኢልትነሰእ ለሐሳቱ ለነአይሽ አሰራር እግል ለአድሚ ሰበት ቀድር።

ዕርፍ ካፍየት ወለልትሰቱ እብ ብዝሐ ንሰአትመ ሀዬ ለገርብ ሐለት መዳፊዕት እግል ልርከብ ወለ እብ ሐዘ ለበዴ ፊሻይ እግል ልተነሳ ለልትሰቱ ላዝም እግል ንንሰእ ብከ።

መብዙሐ አውካድ ሐዘ ደንግ እብ ናሱ ለሐድግ ምንግቱ ገሌ አንፋር ላኪን ብዙሕ እግል ለትዕም ሰበት ቀድር ራድኢት ሐኪም ለልሐዙ እግል ለሀሌ ቀድር። ብዙሕ ዋራሽ ወፍጋር፡ ወረኦርፍ ለወዴ ዲቦም ፊሻይ እብ ሰር ደም እግል ልንሰኡ ወበዕድ አድውየት እግል ልሕዘው ሰበት ቀድር አገድ እት ሐኪም እግል ልትነሰኡ ቦም።


ሐቱ አካን ልብ እግል ንክሬ እኢተ ለብህ ሀዬ ሀሌት። አክልሕድ አሽይርም ክመ ናይ ዌልኮም ላቱ አምራድ፡ እግል መሰል። ክም ከረ ምላርየት፡ ኮርኒ፡ እንትሃብ ከላዊ፡ እንፍልዌን ወለመሰሎም ሰበት ሀላ። እንፍልዌን አው ዌልኮም ተ እንዴ እንቤ እብ ሕግምን እግል ንትገሰ አለብ። መርመረ እንዴ ወዴን ሕግምን ክም ልትሕመር እነ ኒዴ። እግልሚ፡ ሐርት ነፊር ሕግም ምላርየት እት ብእቱ ዌልኮም ሕመም ሀሌት እንዴ ቤላ እት ቤቱ ዶል ልትገሰ እቡ፡ ዲብ 24 ሰዐት ደሞሁ እግል ልንሰኡ ወልሕዬ ምን ቀድር ለዐለ ለምላርየት ወክድ እንዴ ነሰአት አሰክ ዲብ ሞትመ እግል ተአብጽሖ ትቀድር፡ አውመ

እዴ እግል ቲዴ እቱ ትቀድር። እብ ብዕድ እንክር ሕግም ዌልኮም እት እንቱ ምላርየት ሐመምቲ እንዴ ቤላ እት ኢዋጅቡ ደወ ምላርየት ዶል ነሰአመ። ለደወ ለለአጆርየ እቱ መደረት ቀላል አኲን።

ሰበት እሊ አርት ነፊር አከይ ዓፍየት እብ ዶል ለአገርብ፡ ሁቱ ሕግም እግል ልትዘነን ምንመ ቀድር ፍሕሰ እንዴ ኢወዴ ሸክ እንዴ በትክ ሕግም እሊቱ እንዴ ቤላ እብ ኢገብዩ ሰራይ ኢሰራዩ እግል ኢልንሳእ ክል ዶል ድጉግ እግል ልግበእ ቡ። እብ ሐኪም እንዴ ትመርመረ ሕግም ክም ትፈረገ እግሉ ሀዬ። ለእብ ሐኪም ለልትሀይቡ ደወ ምክር ወሐብሬ ሰኒ እንዴ ሰምዐ ወፊሀመ። ለኢትፈረገት እሊ እንዴ ትሰኡ ምነ እብ ዋጅብ እግል ልትነፋዕ እብ ወሊደዩ ወጅብ።

ብዝሓም ረአሰም ክም ለመጽጸም ወክትፎም ክም ልትመጨር ምኖም ዌልኮም ጸብጠኒ እንዴ ልብሎ ነፍዕ ለመሰል እቶም አው እሊ ትነፍዕት ለልብሎም ለእሊ ረክበው አድውየት እት ነሱል ልትረከው። እሊ ሀዬ እትሳሬ ሀሌት እት ትበል ቀብ ለለመጽእ እትክ መካይድ ሰበት ቱ። መደረቱ ቀላል አኲን። ከእግል ዌልኮም እንዴ ኢነአመርር። ለሀለ እትነ ሕግም እንዴ ፈረግ ለወጅቡ ሰራይ ንንሰእ እቱ።

ለአግደ ገበይ ደሐን ምን ሐዘ ደንግ ሐናኒት ለትተባለድ እቱ ማይ አዘፊፎት፡ ድዋርክ አንደፎት፡ መዕለይ ማይ እብ መዳብእ ስኒ ዳብኦት። ሰነት እብ ግዲደ ላሊ ወአምዕል ሐንቱ ናሙሰየት ሰኪብ፡ ነፍሰ ሐለት መዳፊዕት ለለሀይብ ነበራት ክም ሐመሊ፡ ቅርጡዋ፡ ፊዋኪ መትመዋን ክምቱ ተርኪዝ እግል ኒዴ እቱ ለወጅብ አግቡይ መንበርቱ።





ጻፋዬን፡ ታላላቅ አብርሃ
ሰወር፡ አርሲፍ ፈሬዕ ሰወር

ፈንቅል፡ ገለድ ሕጡጥ!

ዐመልየት ፈንቅል 10 ፌብሩዋሪ 1990

